

RIOM: secziun dalla ps Alvra-Surses

# Om da Tavo versus om da Riom

**comm./pi. La secziun Alvra-Surses dalla ps ò fatg viva sen igl onn nov. E chegl an li prominent, ainten las localitads dalla tgesa Sontga Crousch a Riom.**

Igl è igl mez schaner 2018, ena dumengia siva-mezde a Riom. Igl suler dalla villa Carisch è bagn amplania. La ps Alvra-Surses ò anvido ad apero da Bumang.

## Igl candidat per la regenza ò do l'onour

Dasper blers commembers dalla secziun, vainsa er dastgea beneventar igl candidat dalla ps per la regenza grischuna Peter Peyer, igl president dalla ps Grischun Philipp Wilhelm, la consigliera naziunala dalla ps Silva Semadeni ed igl anteriour consigliere naziunal dalla ps Andrea Hämmerle. Andrea Hämmerle è er igl president actual dall'Uniu da promoziun Pro Origen.

Giovanni Netzer, igl hospitant ed intendant digl Origen Festival Cultural ò fatg igl cordial bavegna a tots preschaints.

Siva d'en curt saleid da Marcel Züger, igl president dalla ps Alvra-Surses e da Philipp Wilhelm, ò Giovanni Netzer mano la raspada tras igl imposant bagn digls Carischs. El ans ò declero interessants detagls tar carstgangs e tapetas ed adegna puspe ò el fatg la punt tar la politica cantunala e culturala actuala. Siva da chella divertenta guidada tras la tgesa, ans vainsa tschanto ainten egnà dallas amper-

nevas steivas dalla villa Carisch e vagn galdia en bung café ed en toc turta, propi ainten la tradiziun digls pastiziers grischuns.

## Tavo versus Riom

Dantant tgi vagn ans delecto ved las bunas tgossas, ò igl noss candidat per la regenza grischuna ans divertia cun igl sies pled. Peter Peyer è antro ainten las dus impurtantas comunicaziuns da pressa digls 9 da schaner.

Dad en mang l'annunzta tgi igl president dall'America, Donald Trump vigna a visitar igl Forum Economic Mundial a Tavo (WEF) e da l'oter mang la surdada digl premi Wakker alla Fundaziun Origen.

Philipp Peyer ò cumparaglea igl «om da Tavo» drizzo pitost anavos cun igl «om da Riom», tgi varda aint igl futur ed ò spiras visiuns. Igl «om da Riom» ò bagn las sias rieischs ainten la cultura locala, biegia er se sen chella, derva pero er igl sies horizont anvers en mond pi vast.

Perche gl catta el er adegna puspe novas veias dad eir anturn cun chegl tgi è actual ed amplanescha chegl cun nova veta.

«Ia sper tgi igl om da Riom vigna a sa far valeir», concluda Peter Peyer.

«Bunas tradiziuns ins duess tgirar bagn», ò Philipp Wilhelm detg. Nous ans legragn damais gio sen igl apero da Bumang digl onn proxim.

Gianna Sonder, commembra dalla ps Alvra-Surses



Igl intendant dad Origen, Giovanni Netzer discorrar sur digl festival e sur digls sies plans cun igls commembers dalla ps Alvra-Surses.